

Sam Nyied Sam Hoenghhwd Haenqrengz Byajj Lohmoq



▲ 4 nyied 10 hauh, aen hozdung lwnhgangj doigvangq “Sam Nyied Sam Hoenghhwd doxiu youz Gvangjsih” geiz doigvangq gij minzczuz vwnzva lijyouz Gvangjsih bi 2024 youq Hozciz Si Nanzdanh Yen (dieg cawjdaez) haiguh. Hozdung cuengq gij sibinz senhconz, guh 《Langhbaiz Gij Gyangq Yauzvaqhau》 caeuq Yauzvuengz lieb mbanj daengj biujyenj miz gij daegsaek minzczuz. Yienhciegz lij guh aen yizsiz ciemdingh lienzhah yinx hek daeuj Gvangjsih daengj lai aen hezyi doxgap, caemhcaiq gaisau doigvangq 10 diuz loh youzyawj gij vwnzva minzczuz Gvangjsih, yinx bouxhek daeuj Gvangjsih yawj bya yawj raemx, daejniemh yienghndei minzczuz, coicaenh aen hawciegz lijyouz vwnzva Gvangjsih mwnhoengh.

(Veiz Loz/韦乐)



◀ 4 nyied 13 hauh, hekyouz youq Hocouh Si Fuconh Yauzczuz Swciyen Cauzdungh Cin Mbanjcasanh guh-caemz. Laebdaeb geij ngoenz dox-daeuj, doengh aen diegbaeyouz Hocouh cungj guh hozdung feihyiz minzczuz lai yiengh, yinx haujlai hek-youz daeuj guh-caemz.

(Vangz Yuz-huz/黄旭胡)

Vah bouxbien: Aen ciet “Sam Nyied Sam” daengz lo, gyoengqvunz Gvangjsih ndaej cuengq seiq ngoenz gyaj bw! Aen ciet gonqlaeng, gak dieg Gvangjsih guh hozdung mizyinx angq gvaq “Sam Nyied Sam”, gih raeuz lij guh hozdung doigvangq iu hekyouz daeuj guhcaemz dem. Lajneix caez bae yawjyawj.



▲ “Sam Nyied Sam Gvangjsih”, lungz mbin angq ciet ndei. 4 nyied 11 hauh, Nanzningz gozci gaiq daihcaet aen doxdax iu foux lungz cienzdoengj youq Aen Gunghyenz Liujzah Nanzningz Si Cinghsiu Gih haiguh. Yeznanz, Daigoz, Maj-laizsihya, Sinhgyahboh, caeuq Gvangjdungh, Huz-nanz, Gvangjsih guek raeuz gungh cib aen doih foux lungz cienzdoengj gak miz daegsaek haenx doxdax. Gyoengqde hwnj daiz langhbaiz gij dinfwngz foux lungz, caez angq gvaq aen ciet “Sam Nyied Sam”.

(Yi Sienghceiz/喻湘泉)

◀ 4 nyied 11 hauh, “Sam Nyied Sam hoenghhwd • Gvangjsih raeuz huzndei” Fangzczwnzgangj Si ndwen lwnhgangj minzczuz doxgiet baenaj bi 2024 caeuq gij vwnzyi biujyenj vunzlai “eu fwen bya haij” youq Aen Dieg Gaeuq Bwzgangj Fangzczwnzgangj Si haiguh. Ndwen lwnhgangj neix, aen si neix yaek baengh ciethaiq minzsug daengj guh lai cungj hozdung, couqmaenh gij eijsik caezcaemh Cunghvaz Minzczuz.

(Cinz Veijcaiz/陈伟才)



▲ 4 nyied doxdaeuj, aen hidungj gyauyuz Bwzhaij Si Hozbuj Yen gaenxmaenx guh bi 2024 couqmaenh gij eijsik caezcaemh Cunghvaz Minzczuz caeuq aen hozdung angqcoux “Sam Nyied Sam Gvangjsih”. Lwghag gak minzczuz doxdax raiz faenzcieng, veh veh, sij saw daengj, camgya aen banhvei cawjdaez, youq laj geizguek gangjavah, guh bungq gyaeggaeq, nyib aen domq, eu fwen, gwn laeujdaizraez daengj angq gvaq cietndei, coicaenh lwghag gak minzczuz “samgyau”.

(Bungz Yaujcing/彭晓静)